



張
小
山
小
令



張小山小令序

錄鬼簿謂人生斯世但以已死爲鬼而不知未死者亦鬼也身後無聞則又不若塊然之鬼爲猶愈太和正音譜評小山詞如瑤天笙鶴旣清且新華而不豔有不食煙火氣味又謂其如披太華之天風招蓬萊之海月若是可稱詞中仙才矣李太白爲詩仙非其同類耶小山詞旣爲仙迄今殆死而不鬼矣世雖慕之未有見其全詞者予爲之編選成帙亦有一二刪去者存者

皆如錄鬼及太和二書所稱許以其生平鮮套
詞因名之曰小山小令云客有以古劍歌示予
者試猜爲何代何如人予應以似宋元間人客
曰是也元人也予曰若是元人絕似小山詞客
乃大笑以爲不錯分毫然亦有太白詩風骨子
謂其各有仙才不信然耶詩錄於後未知識者
是否姑記一時偶中之語如此將軍躍馬來南
荒腰閒古劍白練光鷺鷥塗香魑魅泣寒芒熠
熠勾陳蒼龍髯高挂珠堂月玉華曾拂樓蘭雪

爲君盡斫奸臣頭天狗三更下舐血此雖短歌
然而句奇味長客退恐其誑予因點檢續文章
正宗及文翰類選大成果是小山作小山名可
久以路吏轉首領卽所謂民務官如今之稅課
局大使夫以是人而居卑秩宜其歌曲多不平
之鳴然亦不但小山如關漢卿乃太醫院尹馬
致遠爲江浙行省屬鄭德輝杭州小吏宮大用
釣臺山長其他屈在簿書老於布素者不可勝
計當時臺省元臣郡邑正官及雄要之職盡其

國人爲之中州人每每沈抑下僚志不獲展此
其說見於胡彙溪所著真珠船因序小山詞而
節取之以見元詞所由盛元治所由衰也
嘉靖丙寅閏十月六日中麓李開先序

張小山小令上

慶元張可久著

章上李開先編

雙調

水仙子

樂閒

竿頭爭把錦標奪石上閒將寶劍磨
朝中熬得羅襪破不歸來等甚麼
問閒中樂事如何嵩山樵唱
武夷棹歌湘水漁蓑

張小山小令 卷二 水仙子

湖上晚歸二曲

桃花馬上石榴裙
竹葉樽前玉樹春
荔枝香裏江梅韻
風流比太真
索新詞
纏住詩人醉眼空
銀漢歌聲度錦雲
涼月黃昏
佳人微醉脫金釵
惡客佯狂飲繡鞋
小鬟催去
褰羅帶
花寒月滿街
蕩湖光影轉樓臺
未了鴛鴦債
枉教鷓鴣猜
明日重來

清明小集

紅香繚繞柳圍花
翠裏殷勤酒當茶
遊春三月

清明假香塵隨去馬
小簾攏綠水人家
彈仙呂
六么遍笑女童雙髻
了纖手琵琶

蘇堤晚景

翠簾隄上小肩輿
烏帽風前醉老夫
浸冰壺雲錦高低樹
笑王維作畫圖
步凌波紅粉相扶羅
裙酒污蘭舟棹
舉月上西湖

小隱

夢隨流水過前灘
喜共閑雲歸故山
倚筇和靖墳前看
把梅花多處揀
葢深深茅屋三閒歌白

石爛賦行路難緊閉柴關

春行

綠箋香露灑蕉花翠線晴風綻柳芽遊人三月
湖山下六橋邊爭繫馬江南第一所繁華金碧
王維畫管絃蘇小家酒船回落日歸鴉

梅邊

好花多向雨中開佳客新從雲外來詩情未了
年前債相逢且放懷曲欄干碾玉亭臺小樹紛
蝶翅蒼苔點鹿胎踏碎青鞋

山齋小集

玉笙吹老碧桃花石鼎烹來紫筍芽山齋看了
黃荃畫茶蘼香滿把自然不尙奢華醉李白名
千載富陶朱能幾家貧不了詩酒生涯

山莊卽事

清泉翠碗茯苓香煖霧晴絲楊柳莊微風小扇
芭蕉樣興不到名利場將息他九十韶光夜雨
花無恙鄰牆蝶自忙笑我疎狂

別懷

張小山詩集卷一
三
飛花和雨送蘭舟細柳垂煙掩畫樓啼痕帶酒
淹羅裏換金杯勞玉手大江流不盡詩愁象牙
床上鮫綃枕頭夢到并州

和逍遙韻

新詩裝卷束牛腰大字抄書損兔毫遠紅塵自
有閒中樂樂清閒須到老近芭蕉一座團標榭
葉袍筇杖杖松花釀瘦木瓢散誕逍遙

春愁

落花燕口點香泥飛絮蜂房惹蜜脾殘粧鳳枕

流清淚景中情誰喚起聽西園恰恰鶯啼萬里
書難到三春人未歸此恨誰知

春晚

情牽柳下燕鶯期醉倒花前鸚鵡杯香流帳裏
鴛鴦被日高時初睡起掃殘紅怨煞風姨學曉
霧輕籠鬢妬晴山遠畫眉只怕春歸

樂閒

鐵衣披雪紫金關綵筆題花白玉闌漁舟棹月
黃蘆岸幾般兒君試揀立功名了不如閒李翰

林身何在許將軍血未乾播高風千古嚴灘

歸興

淡文章不到紫薇郎小根腳難登白玉堂遠功名卻怕黃茅瘴老來也思故鄉想途中夢感魂傷雲莽莽馮公嶺浪淘淘楊子江水遠山長

天寶補遺

寶箏珠殿荔枝香玉珮瓊瑤窈窕娘雲屏月枕芙蓉帳夜如何樂未央碎霓裳擊鼓漁陽蛾眉樓晴山翠馬崑坡落日黃憔悴三郎

三婆道院

斷橋楊柳臥枯槎秋水芙蓉著晚花蹇驢騎過三溪汊訪白雲處士家拂藤床兩裏煙霞道童能唱村醪當茶仙棗如瓜

維揚遇雪

蘆汀浙浙鱗行沙梅月昏昏鶴到家梨雲冉冉蝶初化透朱簾敲翠瓦莫吹簫不必烹茶玉蓑衣人堪畫金盤露酒旋打預賞瓊花

道院卽事

爐中真汞長黃芽亭上仙桃綻碧花吟邊苦茗
延清話是元元仙子家小舟橫淺水平沙芳草
眠馴兔綠楊啼乳鴉門掩青霞

小園春晚

愁風怨雨過三旬病酒眠花又一春飛鳥走兔
催雙鬢東君應笑人何如裏拂風塵醒眼看松
閒月吟魂隨溪上雲小桃源別是乾坤

春晚三曲

繭黃舊紙試銀鉤蟻綠新箋泛玉舟龍香古餅

薰金獸薔薇小院幽春光爲我遲留東里尋芳
去西園秉燭遊醉倚南樓

西山暮雨暗蒼煙南浦春風艤畫船水流雲去
人空戀傷心思去年可憐景物依然海棠鸚鵡
巖花杜鵑楊柳鞦韆

相思詩句滿苔牆合唱歌聲靜錦堂合懽裙帶
閑羅帳無言倚繡床怎生人不成雙花閒翡翠
釵頭鳳鳳梅子鴛鴦

春思

山花紅雨鷓鴣啼院柳蒼雲燕子飛池萍綠水
鴛鴦睡春殘猶未歸掩妝臺懶畫蛾眉繡床人
困玉關夢回錦字書遲

紅指甲

玉纖彈淚血痕封丹髓調酥鶴頂濃金爐撥火
香雲動風流千萬種捻臙脂嬌暈重重拂海棠
梢頭露按桃花扇底風托香腮數點殘紅

西湖秋夜

今宵爭柰月明何此地那堪秋意多舟移萬頃

冰田破白鷗還笑我拚餘生詩酒消磨雲母舟
中飯雪兒湖上歌老子婆娑

吳山秋夜

山頭老樹起秋聲沙嘴殘潮蕩月明倚闌不盡
登臨興骨毛寒環珮輕桂香飄兩裏風生攜手
乘鸞去吹簫作鳳鳴回首江城

次韻

蠅頭老子五千言鶴背揚州十萬錢白雲兩裏
吟魂健賦莊生秋水篇布袍寬風月無邊名不

張小山小令卷一
上瓊林殿夢不到金谷園海上神仙

秋思

天邊白鴈寫寒雲鏡裏青鸞瘦玉人秋風昨夜
愁成陣思君不見君緩歌獨自開樽燈挑盡酒
半醺如此黃昏

次韻

海風吹夢破衡茅山月勾吟挂柳稍百年風月
供談笑可憐人易老樂陶陶塵世飄飄醉白酒
眠牛背對黃花持蟹螯散誕逍遙

鑑湖春行

晴光湖面鏡新磨樂意船頭酒既多舟移楊柳
陰中過流鶯還笑我可憐春事蹉跎玉板笋銀
絲鱸紅衫兒金縷歌不醉如何

西園廢圃

夕陽芳草廢歌臺老樹寒鴉靜御街神仙環珮
今何在荒基生暮靄嘆英雄白骨蒼苔花已飄
零去山曾富貴來俛仰傷懷

可侍郎奉使日南

張小山小令卷一水仙子

波澄太液泛龍舟
簾捲披香出鳳樓
繡衣直指
新除授宮花
淹御酒
玉花驄
錦帶吳鈎
白雪關
山暮黃雲海樹秋
一弄詩愁

元夜小集

停杯獻曲紫雲娘
走筆成章白面郎
移宮換羽
青樓上招邀入醉鄉
綵雲深
燈月交光
琉璃界
笙歌鬧水晶宮
羅綺香
一曲霓裳

湖上卽事

盈盈嬌步小金蓮
潏潏春波暖玉船
行行草字

輕羅扇詩魂
杯酒邊水光
花貌嬋娟
眉淡淡
初三月手摻摻
第四絃爲我畱連

重過西湖

席閒談笑欠嘉賓
湖上風流想季真
梅邊才思
無何遜可憐
辜負春孤山
誰弔逋魂
彩扇畱新
句青衫非故人
兩裏紅塵

湖上

金鞭裊醉動花梢
翠裏搯香贈柳條
玉波流煖
迎蘭棹
西湖春事好
相逢酒聖詩豪
醉墨灑龍

張小山小令卷一
香劑新絃調鳳尾槽草色裙腰

春日郊行

藏鴉新柳縷金衣困蝶濃花織錦機乘鸞仙子
飛瓊珮尋春攜手歸吟詩馬上分題蒼煙喬木
殘陽翠微茅店疎籬

青衣洞天

兔毫浮雪煮茶香鶴羽攜風採藥忙獸壺敲玉
悲歌壯蓬萊雲水鄉羣仙容我疎狂卽景詩千
韻飛空劔一雙月滿秋江

訪梅孤山

蒼苔封了歲寒枝翠裏閑來日暮時黃昏說盡
平生事西湖林處士想當年鶴骨松姿花下孤
山寺水邊新月兒慰我相思

湖上小隱

自由湖上水雲身爛熳花前鶯燕春蕭疎命裏
功名分樂琴書桑苧村掩柴門長日無人蕉葉
權歌扇榴花當舞筲一笑開樽

孤山宴集

水仙子

長橋臥柳枕蒼煙遠水揉藍洗暮天畫圖千古
西施面相逢越少年問孤山何處逋仙吾與二
三子來遊六一泉載酒梅邊

樂閒

吹簫按舞月當軒載酒尋花雪滿船題詩試墨
雲生硯樂清閒塵事遠想當年利惹名牽萬里
天山箭三冬冰窖麤爭似林泉

春情

柳芽牋小錦雲械蓬島書來紫鳳銜梨花院靜

青燈暗相思情未減不由人不瘦的巖巖塵昏
寶鑑香銷玉簪淚滿羅衫

折桂令

寒食

雨霏霏店舍無煙榆莢飛錢柳線搓綿綠水人
家殘花院落美女鞦韆沽酒春衣自典思家客
子誰憐第一橋邊戀住流鶯不信啼鶻

湖上道院

鶴飛來一縷青霞笑富貴飛蚊名利爭蝸古硯
元香名琴綠綺土釜黃芽雙井先春採茶孤山
帶月鉏花童子誰家貪看西湖懶誦南華

醉題

俯滄波樓觀煙霞勝覽方輿獨占繁華綵艦輕
簾銀鞍駿馬翠裏嬌娃十里香風酒家一川涼
雨荷花醉墨塗鴉題遍紅樓倒裏烏紗

別情

人生最苦別離柳繫柔腸山斂愁眉金縷歌殘
青衫淚灑錦字來遲畱客醉魚肥酒美送春行
鶯老花飛此恨誰知今夜相思何日歸期

山居

紅塵不到山家贏得清閒當了繁華畫列青山
裊鋪細草鼓奏鳴蛙楊柳村中賣瓜蒺藜沙土
看花生計無多陶令琴書杜曲桑麻

送別

畫船兒載不起離愁人到西陵恨滿東州懶上
歸鞍慵開淚眼怕倚層樓春去春來管送別依
依岸柳潮生潮落會忘機泛泛沙鷗煙水悠悠
有句相酬無計畱

晚景

張山小令卷一
三
小紅樓獨倚新妝曲角闌干嫩綠池塘雨洗花
梢風梳柳影月蕩荷香繡枕上雙飛鳳凰翠蓬
邊一隻鴛鴦對景情傷今夜新涼何處才郎

別思

倒金盃檀口嬌羞春柳垂腰秋水凝眸滿意溫
存通身旖旎徹骨風流鞦韆院同攜玉手琵琶
亭催解蘭舟無計相畱別後新詞總是離愁

晚春送別

借旗亭仙子逢迎舞態飛瓊歌韻流鶯紅線幽

歡鳥絲小字金縷新聲畱過客江山有靈廢殘
春風雨無情花落閑庭柳暗空城今夜離別後
日清明

遊太乙宮

華山高與雲齊遠卻塵埃睡煞希夷踏藕童閑
攜琴客至跨鶴人歸鳴玉珮松溪活水點冰綃
竹院枯梅短策徘徊醉墨淋漓老樹崔嵬

遊金山寺

倚蒼雲紺宇崢嶸有聽法神龍渡水胡僧人立

冰壺詩畱玉帶塔語金鈴搖碎月中流樹影撼
崩崖半夜江聲誤汲南冷笑煞吳儂不記茶經

春情

寄春情小字親描體態宮娥豔冶花妖映雪香
肌堆雲巧鬢抱月纖腰贏女伴一場鬪草指仙
翁三度偷桃羞弄生綃懶上鞦韆笑整金翹

次酸齋韻

倚闌干不盡興亡數九點齊州八景湘江弔古
詞香招仙笛響引興杯長遠樹煙雲渺茫空山

雪月蒼涼白鶴雙雙劍客昂昂錦語琅琅

別後

一年餘鳳隻鸞孤枕上嗟吁鏡裏清癯花已飄
然春將暮矣客未歸歟啼翠靄林閒鷓鴣墜青
絲簷外蜘蛛既在江湖有便鱗鴻不寄音書

分得卿字

客畱情春更畱情月下金觥膝上瑤箏口口聲
聲風風韻韻嫋嫋亭亭錦湖洞鶯招燕請玉交
枝柳送花迎不負平生風月坡仙詩酒耆卿

次白真人韻

葛花袍紙扇芭蕉兩裏仙風萬古詩豪富貴勞
勞功名小小車馬朝朝算只有青山不老是誰
教白髮相饒休負良宵百斛金波一曲瓊簫

施姬

照冰壺秋水芙蓉姓出西家名滿東吳鸞鏡妝
殘霓裳曲破翠管詩餘嬌滴滴眉雲眼雨香馥
馥腕玉胸酥同醉仙都偷寄銀牋暗解羅襦

幽居次韻

石帆山下吾廬秋水綸竿落日巾車長嘯歸歟
梅驚花謝柳笑眉舒攬頰著小了鬟舞元宵逗
鼓摸索著大肚皮裝村酒葫蘆冷落琴書結好
樵漁雖有紅塵不到幽居

小崆峒宴

小崆峒庭院深深老鶴長鳴鸚鵡能吟簾外荷
香樓前柳影井上桐陰七寶樹天風古林六銖
衣水月觀音座列瓊簪酒進金波曲奏瑤琴

村庵卽事

折桂令

共

掩柴門嘯傲煙霞隱隱林巒小小仙家樓外白
雲窗前翠竹井底硃砂五畝宅無人種瓜一村
庵有客分茶春色無多開到薔薇落盡梅花

崔閒齋元帥席上

繡簾開語燕呢喃柳眼青嬌杏臉紅酣春日遲
遲香風淡淡相府潭潭環粉黛犀梳玉簪引兒
孫竹馬青衫坐客江南妙舞清歌闊論高談

九日

對青山強整烏紗歸鴈橫秋倦客思家翠裏慙

勲金盃錯落玉手琵琶人老去西風白髮蝶愁
來明日黃花回首天涯一抹斜陽數點寒鴉

梅友元帥席間

拂冰絃慢撚輕籠一種天姿占斷芳叢額點宮
黃眉橫晚翠臉暈春紅歌夜月琉璃酒鍾隔香
風翡翠簾櫳帶煞吟翁柳暗花濃玉暖香融

讀史有感二曲

劍空彈月下高歌說到知音自古無多白髮蕭
疎青燈寂寞老子婆娑故紙上前賢坎坷醉鄉

中壯士磨此富貴由他謾想廉頗誰效常何
滄浪可以濯纓嘆千里波波兩鬢星星遁跡林
泉甘心畎畝罷念功名青門外芸瓜邵平白雲
邊垂釣嚴陵潮落沙汀月轉林垞午醉方醒

秋夜閨思

剔殘燈數盡寒更自別了鶯鶯誰更卿卿竹影
疎檼蛩聲廢井桂子閉庭淹淚眼羞看畫屏瘦
人兒不似丹青盼殺多情遠信休憑好夢難成

贈歌者秀英

海棠嬌楊柳纖腰眼轉秋波臉暈春潮檀板輕
敲冰絃初奏綵扇低招傾城傾國越西子梨梨
棗棗行雲行雨楚巫娥暮暮朝朝橙剖并刀酒
捧金蕉爛醉東風受用良宵

疎齋學士自長沙歸

望仙華十二芙蓉夜醉長沙晚過吳松稅駕星
壇題詩玉井挂劍琳宮鶴唳黃雲半空鴈來紅
葉西風秋興誰同絕唱仙童相伴疎翁

湖上懷古次疎齋學士韻

柳腰繫我詩，趁夜雪歸鴻。暮苑啼鴉綠樹，
鞦韆青山鐘鼓。畫舫琵琶，銅雀臺邊破瓦金魚。
池上殘花，誰見繁華採藥仙翁賣酒人家。

秋思

菊花枝還爲誰黃，數盡歸期過了。重陽錦字傳
情瓊簪，畱恨繡枕遺香。夜月冷金釵，鳳凰晚霜
寒翠被。鴛鴦想像高唐，縈損柔腸。夢見才郎。

春情

托香腮微困春纖，繡線慵拈。寶篆羞添往事牆。

頭情人夢裏，舊恨眉尖。梨花謝春光，荏苒曉鶯
啼酒病淹。漸燕語雕簷，滿院楊花不捲珠簾。

紅梅次疎齋學士韻

壽陽妝何似，環兒快傳語。花神換卻南枝，血點
冰梢丹塗玉臉。酒暈瓊姿，拚花下何郎醉死，誤
莊前崔護題詩。倚樹多時，長笛聲中萬點胭脂。

秋日海棠

沈香亭上，幽歡甚陶令。籬邊月慘風酸，燕子來
時梧桐老去。錦樹花攢，照銀燭春宵苦短，借疎

張小山詩集卷一
林秋夜漫漫樽俎團團破帽西風華屋金盤

次韻秋懷

問山人索價何高歲晚江空興動書巢古桂寒
香殘蘆老絮病葉紅綃愁倦客嗚嗚洞簫對西
風戀戀緜袍往事徒勞兩鬢秋霜萬里雲濤

西湖懷古

飛來何處奇峯笑引吟翁醉倒詩筒古寺啼猿
晴山舞鳳廢井藏龍人已去梅花舊塚客重來
柳樹西風一笑相逢天竺門前合澗橋東

王一山席間題壁

掃詩愁滿壁龍蛇壯氣憑陵醉眼橫斜脫帽臨
風停盃問月往事傷嗟范蠡歸湖是也子牙發
跡遲些笑殺豪傑花謝花開酒盡重賒

次韻仍在一山席

醉厭厭良夜迢迢記席上樽前酒令詩條錦樹
團香花燈奪晝金屋藏嬌碧水冷西施弄瓢紫
雲深秦女吹簫占得春饒鶯怕歌喉柳妬蠻腰

湖上卽事疊韻

張小山詩集卷一
折桂令

二

錦江頭一掬清愁回首盟鷗楊柳汀洲俊友吳
鉤晴秋楚岫退叟齊丘賦遠遊黃州竹樓泛中
流翠袖蘭舟檀口歌謳玉手裁闌詩酒觥籌避
逅綢繆醉後相留

桃花菊

怪黃花厭我清貧老圃羞容丹臉偷勻前度劉
郎東籬陶令邂逅寒溫延壽客秋風酒樽想佳
人春日莊門笑問東君費盡金錢占醉紅裙

酸齋學士席上

杏花村酒滿葫蘆記竹馬相迎郊外先驅清獻
家風淵明歸興儘自歡娛榮故里名香二疏播
廉聲恩在三衢教子讀書黃卷青燈玉帶金魚

三衢平山亭

倚闌干雲與山平一勺甘泉四面虛亭隱隱浮
圖層層罨畫小小蓬瀛隨月去長空鴈影喚秋
來高樹蟬聲客路漂零天宇澄清劍氣崢嶸

海棠

看佳人富貴天姿點染胭脂消得新詩笑倚紅

妝輕彈銀燭滿引金卮伴庭院黃昏燕子嘆風
流天寶環兒老過花時誰恨無香我愛垂絲

次韻

喚西施伴我西遊客路依依烟水悠悠翠樹啼
鶻青天旅鴈白雪盟鷗人倚梨花病酒月明楊
柳維舟試上層樓綠滿江南紅褪春愁

湖上卽事

倚高寒渺渺愁余昨夜南樓今日西湖柳影浮
圖巖阿杜宇酒病相如留客醉山花解舞寄離

鴈風吹裂江雲迸一縷斜陽照我離樽倚徙西
樓留連北海斷送東君傳酒令金盃玉笋傲詩
壇羽扇綸巾驚起波神喚醒梅魂翠袖佳人白
雪陽春

鑑湖小集

寫黃庭換得白鷓舊酒猶香小玉能歌命友南
山懷人北海遯世東坡昨日春今日秋清閒在
我百年人千年調煩惱由他樂事無多良夜如
何去了朱顏還再來麼

石塘道中

雨依微天淡雲陰有客徜徉緩轡登臨老樹危
亭平津短棹遠店疎砧傲塵世山無古今避風
波鷗自浮沉霜後園林萬綠枝頭一點黃金

松江懷古

解征衣便可濯纓小小西湖總是詩情天際浮
圖雲間舊隱水上新亭負重名陸家弟兄汎輕
舟何處高僧老鶴長鳴綠柳堤邊白苧風生
肅齋趙使君致仕歸

愁雲鴈能書笑倩誰扶風動瑤箏月滿冰壺

元夜燕集

綠窗紗銀燭梅花有美人兮不御鉛華妝鏡羞
鸞嬌眉斂翠巧髻盤鴉可喜娘春纖過茶風流
煞真字續麻共飲流霞月轉西樓不記還家

遊龍源寺

問行人何處龍源古路縈蟠細水蜿蜒柳耳垂
陰花心困雨樹頂摩天借居士蒲團坐禪對幽
人松塵談玄詩債留連百巧黃鸝一曲新蟬

蓮華道中

洗黃塵照眼滄浪古道依依暮色蒼蒼遠寺松
篁誰家桃李舊日柴桑紅袖倚低低院牆白蓮
開小小林塘過客徜徉題罷新詩立盡斜陽

清江引

秋思二曲

自從玉關人去也寂寞銀屏夜風寒白藕花露
冷青桐葉鴈兒未來書再寫
西風信來家萬里問我歸期未鴈啼紅葉天人
醉黃花地芭蕉雨聲秋夢裏

幽居

紅塵是非不到我茅屋秋風破山村小過活老
硯閑工課籬外玉梅三四朵

湖上

離愁困人簾未捲上下飛雙燕孤雲帶雨痕暗
水流花片湖邊日長春去遠

宿山洞

松風小樓香縹緲一曲尋仙操秋風玉兔寒野
樹金猿嘯白雲半天山月小

湖山避暑

好山盡將圖畫寫詩會白雲社桃笙捲浪花茶
乳翻冰葉荷香月明人散也

獨酌

玉笛一聲天地愁便覺梅花瘦寒流清淺時明
月黃昏後獨醉一樽桑落酒

夜景

醺醺綺羅歡夜徹檀板歌聲歇寶鼎串香絕銀
燭燈花謝玳筵前酒闌人散也

題情

描金翠鈿侵鬢貼滿口兒噴蘭麝檀板撒紅牙
皓齒歌白雪定不定百般嬌又怯

春思

黃鶯亂啼門外柳
雨細清明後能消幾日春
又是相思瘦梨花小窗人病酒

夏夜卽事

醉來晚風生畫堂
不記樽前唱冰壺荔子漿
月枕蓉花帳酒醒玉人環珮響

春懷

水邊粉牆生翠蘚
紫閉鞦韆院銀驄暖玉鞍
綵鳳泥金扇那人看花歸路遠

草庵午睡

先生華山高處隱
自有清貧分華堂碧玉簫
紫綬黃金印不如草庵春睡穩

秋思

孤眠夜寒魂夢怯
月暗紗燈滅青蘋泣露花
白柳吟風葉南樓鴈來書到也

草堂夜坐

三間草堂何所有
月色黃昏又鶴依松樹涼
人伴梅花瘦客來不須茶當酒

丹房早起

翠蓬一壺天地小又是邯鄲道尋真客到來夢
短人驚覺泠泠玉笙松月曉

閒樂二曲

去來去來歸去來菊老青松怪生前酒一杯死
後名千載淮陰侯不如彭澤宰

雲巖隱居安樂窩盡把陶詩和村醪蜜樣甜山
栗拳來大梅牕一爐松葉火

春思二曲

杜鵑幾聲烟樹暖風雨相攪斷梨花月未圓柳
絮春將半夜長可憐歸夢短

繡鍼懶拈閑素手倦枕金釵溜鶯呼綠柳春燕
舞紅簾晝東風幾番人病酒

九日湖上

西風又吹湖上柳畫舫攜紅袖鷗眠野水閑蝶
舞秋花瘦風流醉翁不在酒

山中春睡

門前好山雲占了盡日無人到松風響翠濤柳

張小山先生醉眠春自老

春晚

黃昏閉門誰笑語燕子飛不去珠簾濺雨花翠
塢埋烟樹酒醒五更聞杜宇

湖上晚望

東西往來船鬪蟻拍手胡姬醉歌聲落照邊塔
影孤雲際荷風夜涼天似水

沉醉東風

幽居二首

脚到處青山綠水興來時白酒黃雞遠是非絕
名利腹便便午牕酣睡鸚鵡杯中晝日遲倒強
似麒麟畫裏

笑白髮猶纏利鎖喜紅塵不到漁蓑八詠詩三
閨些收拾下晚春工課茅舍疎籬小過活有情
分沙鷗伴我

釣臺

貂裘敝誰憐倦客錦笺寒難寫秋懷野水邊閑
雲外儘教他鷗鷺驚猜溪上良田得數頃來也
赶上嚴陵釣臺

湖上

垂楊柳無人自舞提葫蘆有意相呼酒醒時花
深處插花枝滿頭歸去莫惜千金倒玉壺春已
近梨花暮雨

元夜

明月無心紫簫夕陽何處藍橋蕙帳寒梅花落

故人稀漸疎談笑看見鵝黃上柳條等閑放元
宵過了

湖上晚眺

林君復先生故居蘇子瞻學士西湖六月天孤
山路載笙歌畫船無數萬頃玻璃浸玉壺夕陽
外荷花帶雨

瓊花

蝶粉霜勻玉蕊鵝黃雪點冰肌衣冠后土祠櫻
路神仙佩倚樓人且賞芳菲煬帝驕奢自喪了

國休對我花前嘆息

酌史楚甫

錦被堆春寬夢窄畫樓空燕去愁來芳草邊夕
陽外怕清明幾度傷懷關節得茶糜自慢開春
已聽榆錢斷買

眉壽樓春夜

狂客簪花起舞佳人秉燭檣蒲小樹風香堦露
醉鄉中不知春去更盡茶糜酒一壺強似聽西
園夜雨

九月九日見桃花

前度劉郎老矣去年崔護來遲紅雨飛西風起
望白衣可憐憔悴節去蜂愁蝶未知冷落似天
台洞裏

靜香堂看雨

乘落日村翁捕魚感西風倦客思鱸倒翠壺歌
金縷靜香來隔水芙蓉綠柳紅橋入畫圖人正
在溪亭看雨

夜景

雲母屏花前月明雪兒歌席上風生象版敲螺
鬢整婦人嬌體態娉婷萬卷堂深一盞燈看不
上梅窗瘦影

秋夜旅思

二十五點秋更鼓聲千三百里水館郵程青山
去路長紅樹西風冷百年人半紙虛名得似瓊
源閣上僧午睡足梅窗日影

氣毬

元氣初包混沌皮囊自喜囹圄閑田地著此身

絕世慮縈方寸圓滿也不必煩人一脚騰空上
紫雲強似向紅塵亂滾

瓊珠臺

琪樹暖青山鷓鴣石牀平紅錦璣瑜雲閒萼綠
華松下蓬萊屨倚高寒滿身香露相伴仙人倒
玉壺月明夜瑤琴一曲

晚春席上

客坐松根看水鶴來庭下觀碁小硯香殘紅墜
竹珊珊野亭交翠相伴閑雲出岫遲題詩在呼

猿洞裏

慶宣和

春思

一架殘紅褪舞裙總是傷春不似年時鏡中人
瘦損瘦損

病起四曲

燕懶鶯慵春幾何風雨蹉跎柳眼花心尙情多
病可病可

十二珠簾不上鈎懶倚妝樓斂翠啼紅爲誰羞
問口問口

張小山小令卷一
燕子來時人未歸
有悞佳期一對燈花玉蛾飛
報喜報喜

四壁青燈酒半酣
病骨巖巖無斤兩
腌臢檐兒擔
自攬自攬

毛氏池亭

雲影天光乍有無
老樹扶疎萬柄高
荷小西湖聽雨聽雨

賦情


柳陣花圍雲錦窩
一見情多恨雨愁
雲病如何

爲我爲我

歌者花花

蜂蝶紛紛鶯燕猜
喧滿香街一朵妖紅爲誰開
鬪買鬪買

中華書局
影印



Vertical text on the right edge of the page, possibly a page number or a small title, written in a traditional East Asian script.

